

醫
醫
偶
錄
上

陳修園公餘

醫書偶錄

友善堂發兌

醫醫偶錄序

醫之爲道何道也曰君子之道也苟非存心有恆者何輕議哉何則夫藥之性能生人亦能殺人蓋操之不得其要則反生爲殺矣唯君子則立心不苟故其爲業必精及其臨病必詳以審故能化悲痛而爲歡忻小人之性忍以貪貪則唯剝是圖忍則輕忽視人命逮及臨病則誇以畧不察病之虛實輒投瞑眩之藥不殺人也幾希吾固爲君子之道也予幼年得子方逾弱冠柔軟多病習懶不能自強必非得受此道者日夜痛心懼夫吾

歿之後有病委之庸醫是可以傷生滅性孟子云不孝有三無後爲大有子多病不傳以濟生之道一旦天比祖宗之祀事絕天豈爲人父之道哉某今年七十有七哀邁殊甚桑榆之日豈能久照日夜用心以緝成醫書十餘種論法雖畧脩用若師承日訣不能融會貫通於心文著傷寒醫約錄二卷醫醫偶錄二卷文雖鄙俚然言間意到其中包刮仲景不傳之妙皆世所未嘗聞見剖露肺肝以罄其蘊奧寔升高之梯階當寶之如珠玉潛心玩繹搜索以盡厥旨有疑輒問不可因循務期日

進高遠司馬溫公曰達則爲良相不達則爲良醫豈非君子之道乎故宜服膺此語敬慎而行之他日倘能以斯濟人亦君子也若存心不古以吾言爲妄謬反以斯道殺人負吾之用心非吾之子也

嘉慶癸亥年正月望日長樂陳修園序

醫醫傳金

叙

醫醫偶錄叙

醫者意也風寒暑濕燥火之疾鍼灸藥石調治之方無非以意行乎其間倘或拘於前法茫不知妙手偶得之義將良藥皆成砒霜適以速人於死此修園先生之所以有是刻也先生以名孝廉出爲邑宰公餘之暇舉其生平所得之神奇而筆之於書名之曰醫醫偶錄蓋取乎醫之爲道貴於神明其意而一切應驗萬術惟偶然得之者之妙也向來福建舊有是書業醫學者精習其術凡救活生靈不可勝數川省道途遙遠未得善本有

志民瘼者浩歎久之坊間友善堂主人不惜工資重付棗梨而請叙於余余不敏索不習岐黃何足以知醫道第念先生身膺民社而猶不忘情於醫著書立說以爲萬世之生民計誠范文公爲醫爲相之胸襟陸宣公活國活人之懷抱也因贅數語於編首非敢叙先生之書實不負坊間之請也云爾

同治十三年甲戌歲孟冬月上澣永安价人氏題於東川旅寓



深心如許濟顛連公
暇猶將醫術傳活國
活人誠兩盡陸宣而
後一高賢

永安价人氏題

凡例

一是書本生平之心得者以立言不敢摭摭以競繁多
隱晦以彰深遠務令一見能解以便取用

一是書於淺易之證必慮及深遠不得傷本以貼後患
卽有難措處者亦必多方設法以救之不忍輕置之
也

一是書所載單方細爲揣摩必於肺之虛實病之表裏
俱無妨焉方敢採錄閱者詳之

一是書立論方畧必取其中正平穩切於病證之治法

者爲要詭僻之方怪險之法毫不敢登

是編總挈之處用口分晰病由用△證明病狀用、切要處用○

凡古人立方寓有精意然斷不可呆用余嘗見淺醫未經閱歷遇暑倦輒用清暑益氣湯而不知黃耆之悶遇熱喘輒用生脈散而不知五味子之斂卒至暑熱伏留纏綿牀蓐而斃甚可哀也他如六味地黃湯及麻黃湯桂枝湯等必須斟酌萬穩而進或用次將之品代之否則一誤之下不可挽回歸咎古人古人豈

任受哉

凡人不願知醫者以卷帙浩繁見而生畏不知從何學起也茲但言其現何病象係何臟腑作何治法寥寥數語亦易知矣其一切經絡源委槩不縷敘避繁蹟也若欲究其全則自有諸名家書在

用藥如用兵須量其材力之大小蓋有一利卽有一弊如大補大攻大寒大熱之品誤用卽能殺人各部後分爲猛將次將俾閱者不敢輕用卽用亦必斟酌分量庶知利害

人生一小天地病之輕者如日月之食不轉瞬自必回
和斷不可輕易服藥恐益乎此則損乎彼也國閱歷
既久悉知其故寧受衆怨不輕徇情此事如老將臨
陣大賈航海愈歷鍊而愈知畏耳

是書淺近說法別無精意不過願人人稍知醫理不爲
庸醫所誤以延壽命且鄉僻間不及延醫者亦可對
症自醫取其便耳至醫家讀書少而閱歷淺者得此
亦有頭緒稍知把握便可活人

醫家首在立品古人云行欲方而智欲圓心欲小而瞻

欲大人之性命在我掌握中專心揣求尙虞有失此事豈同兒戲乎若一涉利心則貧富岐視同道相攻僞藥欺售置人命於腦後矣試仰觀蒼蒼者何物耶而爲病家者亦宜以上賓禮貌相待須思此人爲我父母妻子救命而來並非剃頭剔腳者可任我招之來麾之去也

醫醫偶錄目錄卷一

例論

識一字便可爲醫說

張飛疇運氣不足憑說

四診

診脈歌

望舌色

望聞問切論

表裏虛實寒熱辨

虛勞論治

疫痢瘧腫論治

列方

兒科論治

初生保治

外熱內熱辨

非驚論

痰火閉症

本侮土症